

**Вольбы  
до органів самосправи сел**

**Інформації про воліча**

**I**

Датум і час волеб

Вольбы до органів самосправи будуть  
**в суботу 10. новембра 2018 од 7:00 до 22:00 години**

**II**

Право волити

Право волити до органів самосправи сел/міст мать жытель села/міста, котрый мать місце стабільного бываня в селі/місті, і найпізніше в день волеб досяг 18 років віку.

Конфліктом з правом волити є законне окліщія особой слободы выпливаюче з охрани верейного здравя.

**III**

Право быти воленным

За посланця сільского/міського заступительства, в главнім місті Словацькой републики Братіславі і в місті Кошіці містного заступительства, може быти зволений жытель села/міста, котрый мать місце стабільного бываня в селі, в котрім кандідує і найпізніше в день волеб досяг 18 років віку.

За старосту села, пріматора міста, може быти зволений жытель села, котрый найпізніше в день волеб досяг 25 років віку.

Конфліктом з правом быти воленным є:

- заарештованя,
- правоплатне одсуджіня за напланованный кримінальний чін, поковы одсуджіня не было заглажене,
- однятя способности робити правны діла.

**IV**

Способ голосованя

Воліч може волити лем у селі свого стабільного бываня у волебнім раєні, в списку котрого є записанный.

Воліч по вступі до волебной містности є повинный превказати обводній волебній комісії свою тотожность обчаньсков легітімаціов або документом о перебуваню чуждінця.

Потім обводна волебна комісія закрузкує чісло воліча в списку волічів і выдасть волічови два листы на голосованя - лист на голосованя на вольбы до сільского (міського) заступительства і лист на голосованя на вольбы старосты села (пріматора міста) і порожню копертку з уряднов печатков села (міста).

**Перевзятя листів на голосованя і коперткы потвердить воліч в списку волічів властноручным підписом.**

Каждый воліч повинен піти перед голосованєм до выдїленої части містности, в котрій може управити лист на голосованя. Волічови, котрый не вступить до того простору, обводна волебна комісія не доволить голосовати.

**На листї на голосованя при вольбах посланців сільского (міського або містного) заступительства може воліч закрузковати найвеце тільки чїсел кандидатів, кїлько посланців мать быти в даннім волебнім обводї зволеных.** (Чїсло посланців, котре ся волить у волебнім обводї, є уведжене на листї на голосованя.)

**На листї на голосованя при вольбах старосты села (прїматора міста або старосты міської части) може воліч закрузковати чїсло лем єдного кандидата.**

У выдїленій части містности, котра служить на управу листів на голосованя, вложить воліч до коперткы **єден лист на голосованя** у вольбах до сільского (міського) заступительства і **єден листок на голосованя** у вольбах старосты села (прїматора міста).

На пожаданя воліча обводна волебна комісія му выдасть за неправилно управлены листы на голосованя іншы. Неправилно управлены листы на голосованя воліч вложить на місто выдїлене на одложїня несхоснованых листів на голосованя.

Воліч, котрый не може сам управити лист на голосованя із здравотных прїчїн або зато, же не може чїтати ці писати і перед голосованєм поїнформує о тїм фактї обводну волебну комісію, має право взяти із собов до выдїленої части на управу листів на голосованя іншу способну особу, жебы подля єго інштрукцій управила лист на голосованя і вложила го до коперткы. Обидві особы перед вступом до выдїленої части на управу листів на голосованя член обводной волебной комісії поучить о способї голосованя, о основї трестного skutку марїня приправы і ходу волеб. Членове обводной волебной комісії не смїють волічам управлєвати листы на голосованя.

Мїсто воліча, котрый не може із здравотных прїчїн сам вложити копертку до волебной урны, може ю до нєй на єго жадость і в єго прїтомности вложити інша особа, але не член волебной комісії.

Воліч, котрый не може прїйти до волебной містности із важных, главно здравотных прїчїн, має право пожадати обводну волебну комісію голосовати до переносной волебной урны, а то лем на терїторїї волебного обводу, про котрый была обводна волебна комісія створена.

**Воліч повинен одложити несхоснованы листы на голосованя або неправилно управлены листы на голосованя до запечатованой ладїчки на несхоснованы або неправилно управлены листы на голосованя, інакше ся допустить переступлїня, за котре дістане покуту 33 евра.**